

Snada našeho knjesa a sbóžnika Jesom Khrysta,  
lubosć Boha Wótza a dostatk swjateho Ducha budź s wami  
wščitkimi. Hamjeń.

A mišionstemu swjedzenjej smy, w Knjesu lubowana Michalska  
wošada, so dženša w twojim lubym Božim domje shromadžili, temu  
Knjesej so dżakowacž ja jeho miłosćiwu požohnowanje, kotrež na  
mišionste prózowanja našeje křesćijanskeje zyrkwe kładže, a so  
s nowa sahoricž na dopjeljenje našich swjatych mišionstich pschi-  
skusnosćow.

So so tón Knjes, naš smilny Bóh a sbóžnik, k mišionstwu  
pósnawa, njejsmy my sami se swojim zylm serbskim ludom sjawne  
dopokasmo teho? Tež naš kraj a lud ležesche něhdy pod tym  
frudnym słowom: „Čžemnosć pschikrywa semju a mrofta  
ludži.“<sup>1)</sup> Ale tež nad našimi serbskimi wótzami so tamne mi-  
losćiwu slubjenje pschekrašni, kotrež bě Bóh Wótz psches Jesajafowy  
rt wo swojim lubym Synu wuprajił: „Ja bym cže póhanam  
sa swětlo postajił, so by ty moje, sa zyl čžlowjestwo wote mnje  
wobšankujene sbožo był hacž do kónza semje“<sup>2)</sup> „a wotewrił  
šlepych wocži.“<sup>3)</sup> Slaj mišionstwu, psches Cyrila a Methodija  
sapočane, so wupšhestrewasche psches Morawsku a Čžěsku semju hacž  
do našich serbskich Łužizow a wušwobodži naš lud s čžemneje služby  
Čžorneho Boha. S tym so tu dopjelni to krašne wěšćenje:  
„Tón lud, kiž po čžmje křodži, widži wulke swětlo, a na  
tych, kiž bydla w čžemnym kraju, šwěcži so jašnje.“<sup>4)</sup>

Njejsmy my Bohu ja to ničžo winojcži? O džakujmy so  
temu Wótzu, kiž je tež naš serbski narod hódny čžinił k runemu  
herbstwu swjatych w swětle!

<sup>1)</sup> Jes. 60, 2. — <sup>2)</sup> Jes. 49, 6. — <sup>3)</sup> Jes. 42, 7. — <sup>4)</sup> Jes. 9, 2.